



Broj: 26-30-36730/23
Sarajevo, 21.08.2023. godine

Na osnovu člana 23. i 24. Zakona o namještenicima u organima državne službe u Federaciji Bosne i Hercegovine ("Službene novine Federacije BiH", broj: 49/05 i 103/21), člana 35. i 44., stav (2) Pravilnika o unutrašnjoj organizaciji Zavoda za informatiku i statistiku Kantona Sarajevo, broj: 26-05-97-5/19, direktor Zavoda za informatiku i statistiku Kantona Sarajevo objavljuje

JAVNI OGLAS
za popunu upražnjenog radnog mjesta namještenika na neodređeno vrijeme

1. Naziv radnog mjesta: Viši referent za podršku (SSS)-1 izvršilac.
2. Opis poslova radnog mjesta:
 - pruža pomoć korisnicima u korištenju informatičke opreme i programa;
 - rješava probleme pri korištenju aplikacija, infrastrukture, servisa i usluga;
 - učestvuje u pregledu informatičke opreme i vodi analitičke karte opreme;
 - radi dijagnostiku kvarova, te popravke i intervencije na računarima i mreži prema nalogu i upisuje u evidenciju;
 - radi kabliranje i ispitivanje instalacije, ažurira evidenciju priključaka i korisnika;
 - obavlja i druge poslove koje mu odredi Šef službe i pomoćnik direktora, a za svoj rad odgovara Šefu službe i pomoćniku direktora.
3. Opći uslovi:
 - da je državljanin BiH;
 - da je punoljetan;
 - da ima opću zdravstvenu sposobnost za obavljanje poslova radnog mjesta;
 - da ima vrstu i stepen školske spreme potrebnu za obavljanje poslova radnog mjesta;
 - da u posljednje 2 (dvije) godine od dana objave internog oglasa nije otpušten iz organa državne službe kao rezultat disciplinske kazne na bilo kojem nivou vlasti u Federaciji Bosne i Hercegovine, odnosno u Bosni i Hercegovini;
 - da nije obuhvaćen odredbom člana IX. 1 Ustava Bosne i Hercegovine.
4. Posebni uslovi:
 - završena SSS-srednja škola informatičkog ili tehničkog smjera ili gimnazija;
 - položen stručni ispit;
 - najmanje 10 mjeseci radnog staža u struci;
 - poznavanje engleskog jezika.
5. Spisak potrebne dokumentacije koju su kandidati obavezni dostaviti:
 - prijava na Javni oglas (u slobodnoj formi i potpisana) sa spisikom dostavljene dokumentacije;

- biografija s potrebnim podacima (ime i prezime, adresa, kontakt podaci, radno iskustvo i slično);
- izvod iz matične knjige rođenih, ne stariji od 6 (šest) mjeseci od dana izdavanja, original ili ovjerena kopija;
- uvjerenje o državljanstvu Bosne i Hercegovine, ne starije od 6 (šest) mjeseci od dana izdavanja, original ili ovjerena kopija;
- svjedočanstvo ili diploma o završenoj srednjoj školi, original ili ovjerena kopija;
- dokaz o položenom stručnom ispitu za namještenika u organima državne službe, original ili ovjerena kopija;
- dokaz o poznavanju engleskog jezika, original ili ovjerena kopija;
- izjava kandidata da u posljednje 2 (dvije) godine od dana objave Javnog oglasa nije otpušten iz organa državne službe kao rezultat disciplinske kazne na bilo kojem nivou vlasti u Federaciji Bosne i Hercegovine, odnosno u Bosni i Hercegovini, original ili ovjerena kopija;
- izjava kandidata da nije obuhvaćen odredbom člana IX. 1 Ustava Bosne i Hercegovine, original ili ovjerena kopija;
- potvrda ili uvjerenje poslodavca o radnom stažu u struci, original ili ovjerena kopija;
- izjava kandidata (u slobodnoj formi) da daje saglasnost Zavodu za informatiku i statistiku Kantona Sarajevo za obradu ličnih podataka i posebnih kategorija ličnih podataka u svrhu provjere i pregleda ispunjavanja općih i posebnih uslova, za period od momenta otvaranja prijave do okončanja postupka Javnog oglasa.

NAPOMENA:

1. Kandidati, koji su promijenili prezime, obavezni su dostaviti dokaz o istom, odnosno Izvod iz matične knjige rođenih ili vjenčanih (original ili ovjerena kopija).
2. U radni odnos može biti primljen kandidat koji nema položen stručni ispit, s tim da je stručni ispit obavezan položiti u skladu sa Zakonom o namještenicima u organima državne službe u Federaciji Bosne i Hercegovine ("Službene novine Federacije BiH", broj: 49/05 i 103/21).

Prilikom izbora kandidata, prednost će imati kandidat koji ima prioritet u zapošljavanju, a što se dokazuje odgovarajućim dokumentima (potvrda, uvjerenje, rješenje i slično) koji prilažu prilikom prijave na Javni oglas, u skladu sa Zakonom o dopunskim pravima boraca-branitelja Bosne i Hercegovine ("Službene novine Kantona Sarajevo", broj: 31/22), Uredbom o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo ("Službene novine Kantona Sarajevo", broj: 37/20 i 27/21) i Instrukcijom o bližoj primjeni kriterija vrednovanja prema Uredbi o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo ("Službene novine Kantona Sarajevo", broj: 38/20 i 28/21).

Kandidat ostvaruje pravo na prvenstvo u zapošljavanju ako se nalazi na evidenciji JU Službe za zapošljavanje Kantona Sarajevo ili su zaposlena s nižom stručnom spremom od one koju posjeduju ili su zaposlena na određeno vrijeme.

Da bi ostvarili prioritet pri zapošljavanju, kandidati trebaju dostaviti:

- dokaz da su u evidenciji JU Službe za zapošljavanje Kantona Sarajevo-Uvjerenje ne starije od datuma objavljivanja ovog Javnog oglasa) ili
- dokaz da su zaposleni s nižom stručnom spremom od one koju posjeduju-Potvrda/Uvjerenje poslodavca s obaveznom naznakom stepena sprema (zanimanja) s kojom je kandidat zasnovao radni odnos kod poslodavca, ne stariji od datuma objavljivanja ovog Javnog oglasa ili
- dokaz da su zaposleni na određeno vrijeme-Potvrda/Uvjerenje poslodavca kojim se dokazuje da je radni odnos zasnovan na određeno vrijeme, ne stariji od datuma objavljivanja ovog Javnog oglasa;
- dokumentaciju kojom se dokazuje status korisnika prava;
- prijavu prebivališta/boravišta u Kantonu Sarajevo, ne stariju od 3 (tri) mjeseca od dana izdavanja.

Tabelarni prikaz potrebne dokumentacije, koju je potrebno dostaviti u originalu ili ovjerenoj kopiji:

Redni broj	Pripadnost branilačkoj populaciji	Dokaz-dokument	Nadležan organ
1.	Član porodice šehida/poginulog, umrlog i nestalog branioca	- Uvjerenje o statusu djeteta šehida-poginulog, umrlog i nestalog branioca - Rješenje o priznatom pravu na porodičnu invalidninu za suprugu šehida-poginulog, umrlog i nestalog branioca i - Uvjerenje o učešću u Oružanim snagama za šehida-poginulog, umrlog i nestalog branioca	- Općinska služba za boračko-invalidsku zaštitu - Grupa za pitanja evidencija iz oblasti vojne obaveze prema mjestu prebivališta
2.	Ratni vojni invalid	Rješenje o priznatom svojstvu ratnog vojnog invalida	Općinska služba za boračko-invalidsku zaštitu
3.	Dobitnik ratnog priznanja i odlikovanja	Rješenje o priznatom pravu na mjesečno novčano primanje dobitniku priznanja	Općinska služba za boračko-invalidsku zaštitu
4.	Demobilizirani branioci	Uvjerenje o učešću u Oružanim snagama	Grupa za pitanja evidencija iz oblasti vojne obaveze prema mjestu prebivališta
5.	Dijete: a) ratnog vojnog invalida b) dobitnika ratnog priznanja i odlikovanja c) demobiliziranog branioca	- Uvjerenje o statusu djeteta ratnog vojnog invalida - Rješenje o priznatom pravu na: a) invalidninu b) mjesečni novčani dodatak c) uvjerenje o učešću u Oružanim snagama	Za a) i b) Općinska služba za boračko-invalidsku zaštitu Za c) Grupa za pitanja evidencija iz oblasti vojne obaveze prema mjestu prebivališta
6.	Supruga ratnog vojnog invalida	- Uvjerenje o statusu supruge ratnog vojnog invalida - Rješenje o priznatom pravu na invalidninu	Općinska služba za boračko-invalidsku zaštitu

NAPOMENA:

1. Komisija za provođenje Javnog oglasa za popunu upražnjenog radnog mjesta namještenika će realizirati usmeni intervju sa svim kandidatima.
2. Izabrani kandidat je obavezan dostaviti ljekarsko uvjerenje o zdravstvenoj sposobnosti prije preuzimanja dužnosti namještenika.

Prijave kandidata koji ne ispunjavaju opće i posebne uslove i čija dostavljena dokumentacija ne sadrži sve potrebne dokumente, odbacit će se kao nepotpune, a neblagovremene prijave se neće uzimati u razmatranje.

Prijava na Javni oglas, zajedno s traženim dokazima o ispunjavanju općih i posebnih uslova, dostavlja se lično ili preporučenom poštom, u zatvorenoj koverti, putem protokola (pisarnice) Kantona Sarajevo, na adresu Ulica Reisa Džemaludina Čauševića 1, 71000 Sarajevo, s naznakom:

Prijava na Javni oglas za popunu upražnjenog radnog mjesta namještenika na neodređeno vrijeme

**Zavod za informatiku i statistiku Kantona Sarajevo
Komisija za provođenje Javnog oglasa za prijem namještenika-ne otvarati**

Javni oglas ostaje otvoren 15 dana od dana posljednjeg objavljivanja na oglasnoj ploči Kantona Sarajevo, web stranici Zavoda za informatiku i statistiku Kantona Sarajevo i dnevnim novinama.

Dostaviti:

1. Oglasna ploča Kantona Sarajevo;
2. Web stranica;
3. Dnevne novine (3x);
4. a/a.



DIREKTOR

Mr. Dino Šehović